

Fiete von`n Ratskeller

Von Paul Goedeke

De beten wat öllerhaftigen Lüüd hebbt em gewiß noch kennt. Wenn Fiete dat hillt harr, lööp he mit sien gröne Schört öwern Mark, as wenn de Düwel achter em weer. He weer nich groot, doch mit sien Mütz, de so`n breides Band mit de golln Upschrift “Hotel Ratskeller” harr, föll he ümmer up. De Minschen müchten em un männicheenen hett he ok `n Gefalln dahn. Wenn de Lüüd von`n Lan`n in de Stadt keemen, hebbt se ehr Fohrrad ümmer bi Fiete in`n Ratskeller ünnerstellt. Sien grootes Hobby öwer weer dat fotografieren. Mit sienen hölten Kassen kunn he bannig gaud ümgahn. Damals geew dat noch keen Rullfilme oder Kassetten, he müß noch mit Glasplatten arbeiten. So hett he för mi ok mal Paßbiller makt, de hüüt noch mit de modernen Apparate nich beter makt warrn könnt. Hüüt steht doar keen “Ratskeller” mehr, doar is een Koophuus un wo Fiete damals afleben is, heff ik ni hört. Vielleicht hett he noch `n paar ruhige Joahrn hatt.